

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), a u vezi sa članom 46. stav (4) Zakona o izvršavanju Budžeta Zeničko-dobojskog kantona za 2022. godinu ("Službene novine Zeničko-dobojskog kantona", broj: 1/22, 14/22 i 18/22), na prijedlog Ministarstva za pravosuđe i upravu, Vlada Zeničko-dobojskog kantona, na 15. sjednici, održanoj dana 11.04.2023. godine, donosi

ZAKLJUČAK

I.

Prima se na znanje Izvještaj o izvršenju Programa utroška sredstava pod nazivom "Program kapitalnih ulaganja za 2022. godinu, Ministarstva za pravosuđe i upravu Zeničko-dobojskog kantona, sa pozicije - Rekonstrukcija i investiciono održavanje" i čini sastavni dio ovog zaključka

II.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23
Datum, 11.04.2023. godine
Z e n i c a

DOSTAVLJENO:

1x Ministarstvo za pravosuđe i upravu,
1x Ministarstvo finansija,
1x a/a.

I Z V J E Š T A J
o izvršenju "Programa kapitalnih ulaganja za 2022. godinu,
Ministarstva za pravosuđe i upravu Zeničko-dobojskog kantona,
sa pozicije - Rekonstrukcija i investiciono održavanje"

Zaključkom Vlade Zeničko-dobojskog kantona od 01.09.2021.godine data je saglasnost ministru Ministarstva za pravosuđe i upravu Zeničko-dobojskog kantona za potpisivanje Memoranduma o razumijevanju između Visokog sudskog i tužilačkog vijeća Bosne i Hercegovine, Ministarstva za pravosuđe i upravu Zeničko-dobojskog kantona, Grada Zenice i Općinskog suda u Zenici, a koji se odnosi na izgradnju anksa zgrade Općinskog suda u Zenici i rekonstrukciju dijela postojećeg objekta. Članom 5. Memoranduma o razumijevanju između ostalog, propisano je da će Ministarstvo osigurati neophodna sredstva za priključenje objekta na komunalnu infrastrukturu.

U određenom roku donesen je i Zaključak o usvajanju programa utroška sredstava pod nazivom "Program kapitalnih ulaganja za 2022. godinu, Ministarstva za pravosuđe i upravu Zeničko-dobojskog kantona, sa pozicije-Rekonstrukcija i investiciono održavanje" broj: 02-11-4329/22 od 17.3.2022. godine, u ukupnom iznosu od 355.000 KM, kojim je utvrđena svrha programa i to dogradnja, rekonstrukcija i adaptacija objekta zgrade Općinskog suda u Zenici radi poboljšanja fizičkih uvjeta i obezbjeđenja radnog prostora za uspješno funkcionisanje i odvijanje radnog procesa.

Izmjenama i dopunama Budžeta Zeničko-dobojskog kantona ("Službene novine Zeničko-dobojskog kantona" broj 14/22) sredstva Ministarstva na poziciji 821600 su umanjena na iznos od 215.000 KM, tako da je 01.09.2022. godine donesen novi Zaključak o usvajanju programa utroška sredstava pod nazivom "Program kapitalnih ulaganja za 2022. godinu, Ministarstva za pravosuđe i upravu Zeničko-dobojskog kantona, sa pozicije-Rekonstrukcija i investiciono održavanje" broj: 02-11-13339/22 u ukupnom iznosu od 215.000 KM, sa istom svrhom Programa, dok su prethodni Zaključak i Odluka o odobravanju finansijskih sredstava stavljeni van snage.

Proveden je postupak javne nabavke pružanja konsalting usluga za tehničku podršku direktnim sporazumom, te je 05.04.2022. godine, potpisan ugovor sa izabranim ponuđačem JP za prostorno planiranje i uređenje grada "Zenica" d.o.o. Zenica, a predmet ugovora je izvođenje stručnog projektovanja, nadzora i tehničkog savjetovanja za dovršetak izgradnje objekta i vanjskog uređenja zgrade i anksa Općinskog suda u Zenici, po cijeni od 4.680,00 KM. Navedeni ugovor nije prikazan u Izvještaju o realizaciji utroška sredstava, s obzirom da će se plaćanje izvršiti u roku od 30 dana po ispostavljanju fakture od strane pružaoca usluga, nakon što Naručilac potvrdi da je nadzor u cijelosti izvršen i bez primjedbi, a što se očekuje u prvoj polovini 2023. godine, tako da će biti prikazan u Izvještaju o izvršenju za 2023. godinu.

U međuvremenu Općinski sud u Zenici, zahtijevao je dodatna sredstva sa pozicije Ministarstva na kojoj su odobrena sredstva za rekonstrukciju i adaptaciju suda, a radi rekonstrukcije LAN mreže u postojećoj zgradi, kao i ugradnje u novom dijelu, koja je uvjet za dalje radove, te je postignut usmeni dogovor da sa pozicije 821600 Ministarstvo prebaci dio sredstava Općinskom sudu u Zenici u iznosu od 55.000 KM i Kantonalni sud sa svoje pozicije 80.000 KM. Odlukom o preraspodjeli sredstava u Budžetu broj: 02-11-15667/22 od 21.10.2022.godine Vlada Zeničko-dobojskog kantona odobrila je preraspodjelu sredstava planiranih u Budžetu Ze-do kantona za 2022.godinu ("Sl.novine Ze-do kantona" broj 1/22 i 14/22).

Istovremeno, Ministarstvo je planiralo izmijeniti i Program utroška sredstava na poziciji 821600 - Rekonstrukcija i investiciono održavanje, međutim svakodnevno su dolazile informacije o nedostacima, novim izmjenama, neplaniranim radovima koji zahtijevaju veća finansijska sredstva, tako da čitav novembar i polovinu decembra nije bilo moguće zaokružiti cjelinu koja će biti prioritet Programa utroška. Također je krajem oktobra JP Grijanje Zenica dostavilo obavijest u kojoj su navedene obaveze investitora, odnosno Ministarstva za nesmetano priključenje objekta na

sistem daljinskog grijanja, sa neprecizno utvrđenim iznosima, potom je Visoko sudsko i tužilačko vijeće 19. novembra putem Općinskog suda u Zenici dostavilo dopis u kojem su evidentirani nedostaci u projektnoj dokumentaciji izvođenja radova na adaptaciji i rekonstrukciji dijela suterenske i prizemne etaže i dogradnji objekta spratnosti S+P+4 (zgrada Općinskog suda u Zenici). Ministarstvo je aktom broj 06-03-17-7475-5/18 od 14.12.2022. godine tražilo mišljenje Kantonalnog pravobranilaštva na prijedlog teksta ugovora je nakon dostavljanja istog aktom broj M-100/22 od 15.12.2022. kojim je konstatovano da je Ministarstvo postupilo u skladu sa pozitivnim propisima te da su sredstva planirana i obezbjeđena u Budžetu za 2022. godinu, a ugovor sa JP Grijanje je potpisan 29.12.2022. godine.

Nakon dostavljenih obavijesti, usmenih pregovora i dogovora, Ministarstvo za pravosuđe i upravu je uputilo Ministarstvu finansija 15.12.2022. godine, akt broj 06/03-2-11-43/22, u kojem se traži preraspodjela rashoda u Budžetu Ze-do kantona za 2022. godinu, Ministarstva za pravosuđe i upravu, kojom se osiguravaju dostatna sredstva za potrebe nesmetanog priključenja objekta na sistem daljinskog grijanja.

Također, 19.12.2022. godine ovo Ministarstvo je pripremilo i novi Prijedlog zaključka o usvajanju Programa utroška sredstava kapitalnih ulaganja za 2022. godinu sa pozicije Rekonstrukcija i investiciono održavanje, u kojem su navedene stvarne stavke projekta i visina potrebnih sredstava, a koji nije razmatran na sjednici Vlade.

Imajući u vidu da je u navedenom periodu trajao proces promjene sastava Vlade Ze-do kantona, te da je Skupština Zeničko-dobojskog kantona 28.12.2022. godine donijela Izmjene i dopune Budžeta Zeničko-dobojskog kantona za 2022. godinu u kojem su planirana navedena sredstva iz Programa utroška, a koje je na hitnoj telefonskoj sjednici 22.12.2022. godine utvrdila prethodna Vlada, odlučeno je kao u tački I ovog zaključka.

<i>Naziv projekta</i>	<i>Visina odobrenih sredstava, prema Programu</i>	<i>Opis izvršenja</i>	<i>Utrošena sredstva u KM</i>
- Sanacija ravnih krovova i terasa i fasaderski radovi na zgradi suda u Zenici, - Konsultantske usluge u izmjeni projekata, elektroinstalacija, izmještanja raznih priključaka, tehničko savjetovanje i slično	215.000,00	- Izrada vodovodnog hidrantskog priključka, - Obrada zahtjeva za priključak, - Izgradnja vrelovodnog priključka, građevinski i mašinski radovi, nabavka i ugradnja toplotne podstanice i taksa za priključenje	3.510,00 70,20 151.845,15
UKUPNO:	215.000,00		155.425,35



MINISTAR

 Edin Hasanićević